

THE ROLE OF INDEPENDENT EDUCATION IN INCREASING THE QUALITY OF TEACHING SUBJECTS IN HIGHER EDUCATION

M.Y.Maykamova,

L.A. Khalmamatov,

N.A.Aripova

Тошкент архитектура қурилиш институти доцентлари

Аннотация

The article emphasizes the role of independent learning in improving the quality of the educational process in higher education. There is a need to fulfill the tasks set for the education system at the present time, the need for students to independently master the teaching materials, to stimulate their professional growth, to increase the responsibility of teachers in cultivating creative activity.

Калит сўзлар

Ўқув жараёни, таълим, тарбия, ўқув материали, ўқув малакаси, ахборот таъминоти, лойиҳалаш, машғулот, мустақил фаолият, ўқитиш, таълим жараёни, ижодий ташаббус, ақлий қобилият, ижодий натижа, ижодий фаоллик, мулоқот жараёни.

Хозирги даврда таълим тизими олдига қўйилган вазифаларни бажариш, талабаларнинг мустақил равишда ўқув материалларини ўзлаштириши, уларнинг касбий ўсишини рағбатлантириш, уларда ижодий фаолликни тарбиялашда педагогларнинг масъулиятини ошириш зарур. Талаба ва педагог мустақил таълим уларнинг манфаати учун олиб борилишини тушуниши керак. Талаба бажараётган мустақил иш педагог учун эмас, балки ўзи учун, унинг келажақдаги муваффақиятини таъминлашнинг асосий омили эканлигини тушуниши керак. Талаба олаётган билим натижасига ўзи масъуллигини англаши зарур. Педагог эса мустақил таълим фақатгина талаба учун эмас, балки, ўзи учун ҳам керак эканлиги, ўзини ишини осонлаштириш, мустақил фикр юрита оладиган талабалар билан мулоқотда бўлиб, ўз билимини бойитиш ва келажакда хизмат погоналарида ўсишини таъминлашини англаши лозим. Шу билан бир қаторда, педагогнинг ўқув жараёнида талабалар билан ҳамкорлиги, уларнинг мустақил таълимга ишончини шакллантириши, ўқитишнинг янги педагогик технологиялардан фойдаланаётганини кўрсата олиши, маърузаларни аъдананавий, яъни, фақатгина маълумот бериш билан чегараланмасдан, балки муаммоли интерактив усулда олиб бориши кутилаётган ижодий натижаларга олиб келади.

Ўқув жараёни сифатини оширишда мустақил таълимнинг роли сўzsиз катта. Педагоддан тайёр маълумот олгандан кўра мустақил фаолият жараёнида олган билимни ўзлаштириш нисбатан анча яхши натижа беради.

Хозирги даврда таълим тизими олдига қўйилган вазифаларни бажариш, талабаларнинг мустақил равишда ўқув материалларини ўзлаштириши, уларнинг касбий ўсишини рағбатлантириш, уларда ижодий фаолликни тарбиялашда педагогларнинг масъулиятини ошириш зарур.

Талаба ва педагог мустақил таълим уларнинг манфаати учун олиб борилишини тушуниши керак. Талаба бажараётган мустақил иш педагоги учун эмас, балки ўзи учун, унинг келажақдаги муваффақиятини таъминлашининг асосий омили эканлигини тушуниши керак. Талаба олаётган билим натижасига ўзи масъуллигини англаши зарур.

Мустақил таълимни фаоллаштирмасдан олий таълимда талабаларни самарали ўқитишни кўз олдимизга келтириш қийин.Хозирги давр мутахассисидан юқори даражадаги тайёргарлик,

мустақил равища қарорлар қабул қила олиш, белгиланган вазифаларни бажариш учун қўп маълумотлар орасидан кераклигини танлаб олиш ва бу маълумотларни қайта ишлай олиш талаб қилинади.

Хозирги замон талабига жавоб берга оладиган мутахассислар тайёрлаш учун ўқув жараёнини ташкил этишни жиддий равища ўзгартириш керак, яъни аудитория соати, пассив маъруза машғулотлар улушкини камайтириш ҳисобига талабаларнинг мустақил ишлари салмоғини ошириш зарур.

Талабаларнинг таълим олишда анъанавий ўқитиш усулидан мустақил фаолиятига катта эътибор бериб бориш асосий етакчи гоядир. Мустақил таълим талабаларга билим беришда бу талабани ўз ҳолига ташлаб қўйиш эмас, балки педагог томонидан мунтазам бошқариладиган талабаларнинг мустақил фаолиятидир.

Шуни эсдан чиқармаслик керакки, ҳар бир педагог фақатгина ўзининг фанини асосий деб ҳисобламасдан, талабанинг мустақил таълимга ажратилган вақти ўқув режадаги барча фанлар учун ажратилганлигини эсдан чиқармаслиги керак, акс ҳолда талабаларга керагидан ортиқ берилган вазифа мустақил таълимдан кузатилган ижобий натижа ўрнига, аксинча салбий натижага олиб келиши мумкин.

Талабаларнинг мустақил таълимидан асосий мақсадлар қўйидагилардан иборатdir:

- янги билим олиш усулларини эгаллаш, жараёнларни мустақил таҳлил қила олиш;
- аудиториядаги машғулотларда олган билимларини мустаҳкамлаш, чукурлаштириш, кенгайтириш ва тартибга солиш;
- меъёрий-хукуқий актлар, маълумотлар ва маҳсус адабиётлар билан ишлашни ўрганиш;
- ўқув материалларини мустақил ўрганиш;
- фаоллиги, билим ортириши, ижодий ташаббуси, масъулияти ва тартиблигини ривожлантириш;
- олган билимларини амалиётда қўллай олишни шакллантириш;
- мустақил фикр юритиш, ўз-ўзини ўстириш, ўзининг режасини амалга оширишни шакллантириш;
- тадқиқот қила олиш қобилиятини ривожлантириш.

Талабалар мустақил таълимининг асосий вазифаси мустақил равища маълумотлар топиш усули билан билим олишни ривожлантириш, ўқув жараёнига ижодий ёндашишга фаол қизиқишини шакллантиришдан иборат.

Талабалар мустақил равища курс ишлари, курс лойиҳаси, битирув малакавий иши ва магистрлик диссертацияларини тайёрлаётгандарнида қўйилган муаммоларни чуқур таҳлил қилиб, ўзларининг мустақил асосланган фикр ва хulosаларини чиқаришлари керак...!!!

Хозирги кунда компьютер билимларига эга бўлиш замон талабига айланди, бунга сабаб компьютер саводхонлигига эга бўлган кадрларга бўлган талабанинг кундан-кунга ортиб бораётгандигидир. Шу нуқтаи назардан қараганда, ўқитишнинг турли шаклларида-назарий, амалий, семинар ва бошқа машғулотларда замонавий компьютер дастурлари имкониятларидан фойдаланиш XXI аср “техника даври” талабига жавоб бериши зарур. Шу сабабли ҳам талабаларнинг мустақил билим олиши ва ўзлаштириш даражаларини аниқлашда компьютердан ўқитишнинг техник воситаси сифатида фойдаланиш мақсадга мувофиқдир.

Таълим жараёнидаги ўқитиладиган турли фанларда компьютердан кенг ва самарали фойдаланиш учун ўқув назарий ва амалий дастурлар тизими яратилмоқда. Бизнинг фикримизча, мустақил таълим машғулотларини ташкил этишда асосий эътиборни амалий топширикларни бажаришга қаратиш мақсадга мувофиқ. Чунки, талабаларда компьютер ва унинг амалий дастурлари билан ишлай олиш малакасини оширишга эътибор бугунги куннинг долзарб масалаларидан бири ҳисобланади. Талабаларнинг замонавий ахборот ва коммуникация воситалари билан ишлай олиш малакаларини эгаллашлари, дунёда бўлаётган воқеа-ҳодисалардан хабардор бўлишларида, ўз билим даражаларини янада бойитиб

боришларида Интернет тармоғи билан ишлай олиш малакаларини эгаллашган бўлишлари мухим ҳисобланади.

Албатта, талабаларнинг мустақил билим олишини йўлга қўйиш натижасида дарс жараёни самарадорлигини ошириш ва таълим сифатини кўтариш ўқитувчининг асосий вазифларидан бири ҳисобланиб, унинг таълим бериш жараёнини тўғри ташкил эта олишига боғлиқдир. Агар талаба учун барча етарли шароитлар-ўкув материаллари, компьютер техникаси, автоматлаштирилган дастурлар кабилар бўлсаю, ундан фойдаланиш яхши йўлга қўйилмаган, ўкув жараёни тўғри ташкил этилмаган бўлса, юкори натижага эришиб бўлмайди. Ҳар қандай ҳолатда ҳам ўқитувчи ва талабанинг ўзаро муносабатлари мухим ўрин эгаллайди.

Талабаларнинг фанлардан мустақил таълим мини ташкил этиш ва уларнинг мустақил билим олишлари учун дастлаб, уларнинг педагогик-психологик хусусиятларини ҳисобга олиш зарур.

Мустақил таълимни ташкил этишда компьютер технологиясидан фойдаланишни амалга ошириш учун аввал қўйидаги ишларни бажариш зарур:

1. Мавзудаги асосий тушунчаларнинг ўзлаштирилиш сифатини баҳолаш мезонини ишлаб чиқиш.

2. Мавзудаги асосий тушунчаларнинг талабалар томонидан мустақил ўзлаштиришлари учун маҳсус компьютер дастурларини ишлаб чиқиш.

3. Талабаларнинг фандан мустақил билим олишига зарур, керакли компьютер жиҳозларини тайёрлаш.

4. Олий ўкув юртларининг ўкув-тарбия жараёнинда талабаларнинг ўзлаштириш даражаларига мос равища билимларни эгаллашида замонавий компьютер дастуридан фойдаланишнинг самарали йўлларини излаб топиш.

Талабалар мустақил иш топшириқларини тайёрлашда, бажаришда қўйидагиларга амал қилишлари лозим:

маъруза машғулотига оид мустақил таълим топшириқларини танлашда уларнинг аудиторияда ўрганиладиган мавзулар билан узвийлигини таъминлаш;

уйда мустақил равища ўрганиладиган мавзуларнинг ва ўрганилиши лозим бўлган асосий саволларнинг аниқ баён этилишига эришиш;

амалий машғулотлар топшириқларини ўрганилаётган назарий ўкув материаллари билан мутаносиб бўлишини ҳисобга олиш;

амалий ишларни, мустақил ишларни бажаришга оид мавжуд методик ишланмалар яратилганлигини ҳисобга олиш;

мустақил равища ечилиши лозим бўлган мисол ва масалаларнинг аниқ рўйхатини тузиш;

мустақил иш топшириқларининг ахборот таъминоти, жумладан адабиётлар рўйхати, бетлари кўрсатилган ҳолда, электрон ўкув қўлланмалар ва Интернет манзили кўрсатилишига эришиш ва ҳ.к.

Шу нуқтаи назардан қараганда, талабанинг билиш фаолияти, яъни қобилияти унинг ақлий ривожланиш даражаси билан ўлчанади. Билиш қобилиятини аниқлайдиган мезонга ўзлаштириш тезлиги, тафаккурлаш жараёни эгилувчанлиги ва тафаккурнинг аниқ компонентлари киради. Билиш тушунчаси умумий ҳолда ақлий қобилиятлар тушунчасига моҳияти жиҳатидан яқиндир. Умумий ақлий қобилията талабанинг ўкув фаолиятида талаб этиладиган барча қобилиятлар мажмуасини ўзида мужассамлаштиради. Бунга талабанинг ўкув материалини хотирасида сақлаб қолиш, ижодий фикрлаш, мантиқий амаллар бажариш қобилияти кабилар киради. Бу қобилиятлар психологияда турли синфларга ажратилади ва ҳар хил талқин қилинади.

Талабаларнинг ўкув малакалари ўкув материаллари билан мустақил ишлаш жараёнинда ҳосил бўлади. Бошқача айтганда, ўкув малакалари ўкув материалини қабул қилиш, қайта ишлаш, унинг мухим жиҳатларини ажратиш, янги ўзлаштирган билимларни аввалгилари билан

боғлаш, ўқув билимларини умумлаштириш, тақрорлаш ва уларни амалда тадбиқ қилган ҳолда масалалар ҳал қилишда эгалланади. Шундай қилиб, ўқув малакалари талабаларнинг таълим жараёнидаги барча ўқув-билиш фаолиятлари билан боғлиқдир.

Ўқув ишларининг ҳар қандай шакли ўқув-малака талаб қиласди, масалан, ўқитувчи маъruzасини эшитиш, амалий топшириқларни бажариш, тест топшириқлари билан ишлаш, мустақил ишлаш малакаси кабилар. Талабаларнинг фандан мустақил билим олишлари жараёнида биринчи навбатда мустақил ишлаш малакаси талаб этилади. Бундай малака ўқув материаллари билан мустақил ишлаш жараёнида ҳосил бўлади. Бошқача айтганда, ўқув малакалари ўқув материалини қабул қилиш, қайта ишлаш, унинг муҳим жиҳатларини ажратиш, янги ўзлаштирган билимларни аввалгилари билан боғлаш, ўқув билимларини умумлаштириш, тақрорлаш ва уларни амалда тадбиқ қилган ҳолда масалалар ҳал қилишда эгалланади.

Ўқув жараёни давомида маъруза машғулотларини ўтишда кўпгина педагогларимиз “Қандай методдан фойдаланиш мумкин?” деган муаммога дуч келишади. Кўп ҳолларда бу муаммо маъруза методидан фойдаланган ҳолда ечилади. Дарс жараёнида таълим методларини танлаш мавзунинг мазмунига боғлиқ бўлади ва ўзига хос мазмунини баён қилиш технологияси танланади, бунда талабаларнинг психологик тайёргарликлари, билимларни ўзлаштириш ва фикрлаш даражалари, ҳар хил таълим боскичи учун мос методлари ҳисобга олинади. Талабалар ўқув жараёнида мустақил фаолият олиб бориш учун педагогдан куйидаги тайёргарлик ишлари олиб бориш талаб қилинади: фан бўйича ўқув-услубий мажмуя тайёрлаш ва ўқитиш муҳитини лойиҳалаш; ўқув дастурини яхшилаш, яъни мустақил иш мавзуларини киритиш, мустақил ишни мустақил таълимга намунавий топшириқларни киритиш билан мунтазам равишда назорат килиб бориш; талабаларнинг ҳар томонлама билимдонлиги, малакавий билимини ривожлантириш; талаба мустақил ишни бажараётганда қанча соат ва балл берилишини ҳисоблаш; ўқитишнинг усул ва воситаларини кўрсатган ҳолда технологик харита ишлаб чиқиши.

Педагог маслаҳатчи, эксперт, тыютор ва модератор вазифасини бажаради, яъни талабани қўллаб-кувватлайди. Педагог талабага маълумот, технологик ва психологик нуктаи назардан маслаҳат беради. Шундай талабалар борки, улар мустақил равишда фаолият олиб бора олмайдилар, бу ҳолатда педагог модератор вазифасини амалга оширади. Модераторлик талабанинг ички имкониятларини очишга каратилган бўлиб, ички қобилиятлари ва яширинган имкониятларини очишга каратилган. Модераторнинг асосий вазифаси талабанинг фаолиятини фаоллаштириш, улардаги муаммоларни аниқлашдир. Талабаларнинг мустақил ишини ташкил этишда мустақил ўрганишга олиб чиқилаётган ўқув материаллари ҳажми ва мазмунининг тузилишига катта эътибор бериш билан бир қаторда услубий таъминлашга катта эътибор бериш керак. Услубий таъминот фақатгина маълумотлар базаси бўлмай, у талабани ижодий фаолиятга йўналтириши керак. Маъруза дарсларида камида 50% вақтда талаба мустақил ишлаши керак, бунинг учун маърузани савол-жавоб-мунозара шаклида ташкил этиш лозим, яъни, ўқитувчи янги маълумотни нафақат баён этади, балки, қўйилган саволларга жавоб излаб топишни ташкиллаштиради; маърузани савол-жавоб усулида олиб боришда ўқитувчи маъруза давомида бутун курс ёки булим бўйича ўқувчиларнинг саволларига жавоб беради; анжуман, маъруза, ўқув дастури доирасида илмий-амалий машғулот сифатида, аввалдан белгиланган муаммо буйича маъруза ва сўзга чиқишилар эшитилади; машғулот якунида ўқитувчи маълумотларни тўлдиради ва аниқлик киритади; ўқувчиларнинг вактинча эркин фикр алмашишига рухсат берилади; ўқитувчи олдиндан кўзланган хатоликлар килиб, маъруза якунида талабаларнинг ташҳиси ва қўйилган хатоликлар таҳлили олиб борилади; ўқувчиларга саволлар берилади ва уларнинг жавобларидан фойдаланилади.

Хулоса қилиб айтганда, олий таълимда фанларни ўқитиш сифатини оширишда мустақил таълимнинг ўрни жуда катта. Ҳар бир педагог талабаларнинг фанлардан ўзлаштириши лозим бўлган мустақил таълимини тўғри амалга оширишлари зарур ва шарт.

Фойдаланилган адабиётлар рўйхати:

1. М.Ф.Хакимова ва бошқалар. Maxsus фанларни ўқитиш методикаси. Т. 2019 йил.
2. Маҳкамова М.Ю. Педагогик технологиялар. Т; Фан ва технология, 2020 й.
3. Шарон Вунне. Касбий педагогика ва маҳорат. АҚШ. 2015.
4. Абу Наср Фаробий. Фозил одамлар шахри. Тошкент: Халқ мероси, 2017.
5. Асқарова Ў., Қорабоев З. Педагогик маҳорат асослари. Муаммоли маъruzalар матни. Наманганд, 2005.
6. Ибрагимов.Х., АбдуллаевШ. Педагогика назарияси. Дарслик. Т.Фан ва технология. 2008.
7. Маҳкамова М.Ю.Касбий педагогика. Т.2018.